



Bosnia and Herzegovina  
Federation of Bosnia and Herzegovina  
CANTON SARAJEVO  
ASSEMBLY

**Nezavisni odbor**

Broj:01-05-122-21/19

Sarajevo, 19.11.2019. godine

**SKUPŠTINA KANTONA SARAJEVO**


**OVDJE**

**PREDMET:** Izvještaj o radu Policijskog komesara za period juli – septembar 2019. godine  
D o s t a v l j a s e.-

Nezavisni odbor na sjednici održanoj dana 19.11.2019. godine razmatrao je Izvještaj o radu Policijskog komesara za period juli – septembar 2019. godine, a u skladu s članom 33.tačka g. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16), isti dostavlja Skupštini Kantona Sarajevo, kao informativni materijal.

**PREDSJEDNIK**

[Redacted signature]



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
**SKUPŠTINA KANTONA  
SARAJEVO**



Босна и Херцеговина  
Федерација Босне и Херцеговине  
**СКУПШТИНА КАНТОНА  
САРАЈЕВО**

Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

**IZVJEŠTAJ**  
o radu Policijskog komesara za period juli – septembar 2019. godine

Sarajevo, novembar 2019. godine



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



Na osnovu odredaba člana 45. stav (5) Zakona o unutrašnjim poslovima Kantona Sarajevo („Službene novine Kantona Sarajevo“, br.: 1/16 i 26/19) i člana 8. tačka 9) Poslovnika o radu Nezavisnog odbora („Službene novine Kantona Sarajevo“, broj: 23/16 i 31/19), Nezavisni odbor Skupštini Kantona Sarajevo dostavlja

## IZVJEŠTAJ o radu policijskog komesara za period juli – septembar 2019. godine

Vlada Kantona Sarajevo je na 13. sjednici održanoj dana 29.03.2019. godine, na prijedlog Nezavisnog odbora Skupštine Kantona Sarajevo, donijela Odluku o smjeni policijskog komesara Halilović Mevludina i istovremeno Rješenjem broj: 02-05-13232-12/19 od 29.03.2019. godine odredila Bašić Milorada, Načelnika sektora kriminalističke policije za obavljanje dužnosti policijskog komesara. Dana 13.08.2019. godine na 33. sjednici Vlade Kantona Sarajevo umjesto dotadašnjeg vršioca dužnosti policijskog komesara, načelnika Sektora kriminalističke policije Milorada Bašića, imenovan je Odlukom broj: 02-05-30224-19/19 od 13.08.2019. godine policijski komesar Nusret Selimović.

Na osnovu dostavljenog izvještaja o radu policijskog komesara za period juli-septembar 2019. godine, Nusret Selimović (u daljem tekstu: policijski komesar) u izvještajnom periodu je preduzimao sljedeće mjere i radnje, uz napomenu da su u izvještaju navedene i mjere i radnje koje su u periodu od 01.07. do 14.08.2019. godine preduzimane od strane vršioca dužnosti policijskog komesara Milorada Bašića.

**I** Predstavljao Upravu policije neposrednim učešćem i angažmanom na različitim sastancima policijskih agencija, tužilaštva i drugih institucija, usmenom i elektronskom komunikacijom sa vladinim i nevladinim organizacijama te medijima.

Isti je prisustvovao mnogobrojnim sastancima sa predstavnicima: EU i ICITAP-a, koordinacionog tijela u Ministarstvu sigurnosti Bosne i Hercegovine (pitanje migranata), OSCE-a, tužiocima Kantonalnog tužilaštva Kantona Sarajevo, EUFOR-a, Poreznom upravom FBiH, FUP - policijska akademija (tema obuka kadeta primljenih u MUP KS), Američkog univerziteta u Sarajevu, Službom za poslove sa strancima, UNDP-om, Ambasada SAD po pitanj Parade ponosa i sl.

**II** Neposredno ili putem Odjeljenja za odnose s javnošću policijski komesar je informisao javnost o radu i aktivnostima Uprave policije. U tom smislu za vremenski period juli - septembar 2019. godine urađeno je sljedeće:

- poslato dnevnih obavijesti pisanim i elektronskim medijima	438
- poslato saopštenja za javnost	38
- održano press konferencija	4
- dato intervjua za elektronske medije	129
- telefonski kontakti sa medijima	601
- zaprimljeno zahtjeva pisanih i elektronskih medija	182
- popraćene aktivnosti drugih službi	10
- poslato faksova	316
- kontakti sa drugim pres službama	6
- gostovanje u TV i radio emisijama u studiju	51



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



Uspostavljena je dobra saradnja sa elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervjuua u vezi sa stanjem javnog reda, kriminaliteta i sigurnosti saobraćaja na području Kantona Sarajevo.

Kako je navedeno u dostavljenom izvještaju policijskog komesara za period juli - septembar 2019. godine, borba protiv korupcije je i dalje prioritet rada Uprave policije te je dat akcenat na efikasan rad svih operativnih tijela i mehanizama u ovoj oblasti, a posebno na rad Odjeljenja za privredni kriminal u Sektoru kriminalističke policije koje je u izvještajnom periodu podnijelo 6 izvještaja o izvršenim koruptivnim krivičnim djelima protiv 8 lica.

Akcentat rada je stavljen i na borbu protiv zloupoteba opojnih droga, te u tom pravcu policijski komesar je podsticao i pratio zakonitost rada Odjeljenja za bortu protiv zloupotrebe opojnih droga, koji je u izvještajnom periodu provelo 11 akcija kodnih naziva "ĐURĐA", "TINEL", "KADIS", "LENON", "GABRE", "SAME", "PLAST", "HRVAČ", "LABOS", "LABOS II" i "SOKO" pri čemu je podnešeno 46 izvještaja o izvršenom krivična djela nadležnom tužilaštvu protiv 54 lica za koja postoje osnovi sumnje da su izvršili krivična djela iz oblasti narkomanije.

Uprava policije je u skladu sa svojom nadležnošću u izvještajnom periodu preduzimala potrebne mjere i radnje na preveniranju i zakonskom procesuiranju osoba migrantske populacije koje su na Kantonu Sarajevo vršile protupravne radnje. S tim u vezi postupala je po Planu preduzimanja odgovarajućih mjera i radnji iz nadležnosti Službe za poslove sa strancima i Uprave policije MUP-a KS, na sprečavanju i sankcionisanju svih oblika nezakonitog ponašanja migranata, smještaja i drugih aktivnosti u vezi sa migrantima na području Kantona Sarajevo, kojim se planiraju mjere i radnje koje će ove dvije službe zajednički preduzimati s ciljem pokušaja spriječavanja i saniranja posljedica koje mogu nastupiti po građane Kantona Sarajevo usljed mogućeg povećanog priliva migranata na području Kantona Sarajevo.

Na teren je poslao više depeša instruktivnog, odnosno obavezujućeg karaktera.

Policijski komesar je donosio i odluke koje se odnose na Rješenja iz radno pravnog statusa, i to u izvještajnom periodu juli – septembar 2019. godine u okviru Sektora za pravne, kadrovske, logističke poslove, edukaciju i analitiku, doneseno je 408 Rješenja iz radno – pravnog odnosa, te 17 Ugovora i 3 Odluke.

Na zahtjev ministra ili po potrebi dostavljeni su potrebni izvještaji, informacije i preporuke u vezi sa realizacijom budžeta.

Data je saglasnost za preraspodjelu sredstava Uprave policije MUP-a Kantona Sarajevo u Budžetu Kantona Sarajevo za 2019. godinu, između budžetskih korisnika i to sa slijedećim korisnicima:

1. MUP-a Kantona Sarajevo,
2. Ministarstvo zdravstva Kantona Sarajevo,
3. Ministarstvo privrede Kantona Sarajevo.
4. Kabinet predsjedavajućeg i zamjenika predsjedavajućeg i dopredsjedavajućeg Skupštine Kantona Sarajevo.

Neposredno, kao i putem odjeljenja policijski komesar, pratio je realizaciju Plana i programa stručnog usavršavanja policijskih službenika Ministarstva unutrašnjih poslova Kantona Sarajevo za 2019. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika MUP-a KS za 2019. godinu. Na osnovu posljednjeg donešenog Plana i programa stručnog usavršavanja policijskih službenika Uprave policije za 2019. godinu, br. 02/1-2-43/19 od 04.03.2019. godine u izvještajnom periodu Odjeljenje za edukaciju Ureda policijskog komesara je evidentiralo kroz eksterne i



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



interne edukacije ukupno 680 policijskih službenika Uprave policije. Kroz program interne edukacije-permanentne, napredne i terenske obuke kao i preciznog gađanja prošlo je 583 policijska službenika.

Obukom je obuhvaćen čitav niz tema kao npr.

- Finansijske istrage i pranje novca,
- Borba protiv organizovanog kriminala na zapadnom Balkanu, u oblasti zaštite ličnih podataka,
- Istrage korupcije u javnom sektoru,
- Obavještajna analiza u analitičkim sistemima,
- Prosjačenje kao trgovina ljudima i dr.

III Na sjednici Nezavisnog odbora održanoj 25.07.2019. godine na kojoj je prisustvovao vd policijskog komesara načelnika Sektora kriminalističke policije Milorad Bašić istaknuto je da je i dalje veliki problem u Kantonu Sarajevo prosjačenje gdje Uprava policija ne može mnogo da učini obzirom da se isti ujutro dovoze kombijima ili vozom iz Kaknja na područje Kantona Sarajevo. Također, u navedenom periodu održano je nekoliko sastanaka sa predstavnicima Službe za poslove sa strancima vezano za problematiku migranata, a u vezi sa istim Uprava policije je zaprimila nekoliko prigovora od strane institucija civilnog društva u pogledu postupanja prema migrantima. U navedenu problematiku migranata uključeni su i pripadnici Jedinice za profesionalne standarde, svi komandiri policijskih stanica i njihovi zamjenici.

Na navedenoj sjednici, Nezavisni odbor posjetio je vd-a policijskog komesara da su stupile na snagu izmjene i dopune Zakona o unutrašnjim poslovima Kantona Sarajevo kojim je definisano da je policijski komesar dužan da bez odlaganja, a najkasnije u roku od 24 sata i u kontinuitetu informiše Nezavisni odbor o sigurnosnim događajima koji su uznemirili građane Kantona Sarajevo s obzirom na način izvršenja krivičnog djela ili posljedicu krivičnog djela, počinioca ili posljedicu o čemu sačinjava i prosljeđuje pisanu informaciju (dopuna člana 23.). Od 05.07.2019. godine Nezavisni odbor nije dobio nikakvu informaciju od vd-a policijskog komesara u vezi sa događajima koji su uznemirili građane Kantona Sarajevo. S tim u vezi, traži se od policijskog komesara da postupa u skladu sa navedenim odredbama. Vd policijskog komesara je odgovorio da ne zna da je bilo događaja koji su uznemirili građane Kantona Sarajevo. Nezavisni odbor podsjetio je vd-a policijskog komesara da je u ovom mjesecu došlo do ranjavanja jednog lica na području Ciglana a također jedno lice je i uhapšeno jer je nasrnulo na policijske službenike i jednom nanio lakše tjelesne povrede. Nakon toga je savladan i sproveden u zgradu Kantonalnog tužilaštva.

Također, na navedenoj sjednici postavljeno je pitanje vd policijskom komesaru u vezi sa navodima iz dostavljenog izvještaja o radu Uprave policije za period april-juni 2019. godine u kojem je navedeno da je vd policijskog komesara dostavio svim upravama depešu vezano za korištenja pojaseva od strane policijskih službenika u službenim vozilima, zabranu razgovaranja na mobilne telefone tokom vožnje, zabranu polukružnog skretanja tamo gdje je ona zabranjena za sve građane pa tako i za policijske službenike, a na šta je u nekoliko navrata ukazivala Komisija za sigurnost na svojim sjednicama. Pitanje se odnosilo na koji način vd policijskog komesara prati primjenu tih svojih depeša, da li mu se eventualno periodično podnose izvještaji od strane načelnika policijskih uprava ili ne. Vd policijskog komesara je odgovorio da je naložio Jedinici za profesionalne standarde da prekontrolišu ispunjavanje naredbi iz depeše o korištenju službenih vozila u privatne svrhe. Oni su već izvršili jednu kontrolu i nisu ustanovljene nikakve zloupotrebe. Također je dodao da načelnici policijskih uprava podnose mjesečne izvještaje i da je svaki mjesec jedan od njih dežurni koji je dužan da u roku od 24 sata informiše policijskog komesara u slučaju da je došlo do nepoštivanja prosljeđenih depeša.

Na sjednici Nezavisnog odbora održanoj 24.09.2019. godine policijski komesar Nusret Selimović je istakao da ne bi previše komentarisao niti analizirao dostavljeni Izvještaj o radu Uprave policije za mjesec august 2019. godine. Izvještaji koji se dostavljaju, i koji su se ranije dostavljali relevantnim institucijama nisu



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



statistički relevantni niti odgovaraju stvarnom stanju jer se gubi veliki broj događaja za koje Uprava policije nije sigurna da li se radi o prekršajima ili o krivičnim djelima. Naglasio je da traži podršku Nezavisnog odbora obzirom da je i u svom prijedlogu plana koji je dostavio prilikom apliciranja na radno mjesto policijskog komesara najavio promjene u smislu drugačijeg obrasca za izvještavanje i navođenju stvarnih statističkih podataka u istima. Policijski komesar je naglasio da očekuje „pritiske i udare“ sa svih strana. Istakao je primjer uporednih podataka koje ima Tužilaštvo Kantona Sarajevo i Uprava policije, gdje se kao primjer navodi 2014. godina gdje je taj omjer 1:3, što znači, prema podacima Kantonalnog Tužilaštva u 2014. godini od strane Ministarstva unutrašnjih poslova KS dostavljeno je cca 14.500 izvještaja dok prema podacima Uprave policije za taj isti period podneseno je cca 4.200 izvještaja o počinjenom krivičnom djelu. Policijski komesar je naglasio da on želi da izbjegne termin kvalifikacije krivičnog djela ili prekršaja. Isti smatra da postotak riješenosti (otkrivanja počionioca) krivičnih djela koji se navodi u izvještajima (oko 60%) je nerealan te smatra da je stvarni postotak između 25-30%. Predložio je da se u narednim izvještajima ovaj podatak učini što realnijim i transparentnijim. Istakao je da se u krivični upisnik upisuju krivična djela a sve što se ne upisuje u taj upisnik upisuje se u djelovodnik i to se ne prikazuje. Na taj način dolazimo do bitne razlike jer se ovi događaji iz krivičnog upisnika prosljeđuju tužiocu, a ovi iz djelovodnika se samo pogledaju od tužioca „onako“ ovlaš i ti predmeti uglavnom završavaju u zastarama jer nemaju tu težinu i opasnost. To svi u Upravi policije znaju. Rasvjetljenost krivičnog djela je nešto što je tamno, nepoznato, a ovdje je sve udrobljeno. Na pitanje članova Nezavisnog odbora, ko određuje koji događaj ide u koju evidenciju? – policijski komesar je odgovorio da to određuje šef OKP-a (načelnik PU) te se tim omogućava da se „određeni“ predmeti drže po ladicama i dešavaju brojne zloupotrebe (ako šef hoće samo predmet umjesto u krivični upisnik unese u djelovodnik – time se izbjegava pokretanje krivičnih postupaka) i time se omogućava i netačno prikazivanje, odnosno „potreban“ broj krivičnih djela. Stvarno stanje je znatno gore od prikazanog, stopa otkrivenosti počinjenih krivičnih djela koju Uprava policija u svojim izvještajima prikazuje je takva da se smiju struka i ljudi koji se ozbiljno bave ovim poslom. Naveo je da smatra da nema nikakve potrebe da se konstantno manipuliše tim podacima da se gura procenat rasvjetljenja i to do nenormalnih granica, svjetski prosjek je oko 30% i nikako ne može kod nas biti 60%, ono na čemu će on insistirati je da se prikazuje stvarno stanje i da onda kada budemo znali stvarno stanje da radimo da se podigne nivo sigurnosti a ne ovako podizanjem stope otkrivenosti krivičnih djela.

Članovi Nezavisnog odbora su postavili pitanje policijskom komesaru da li je dosadašnji način izvještavanja obavezujući po nekoj ranije uspostavljenoj metodologiji rada, na što je policijski komesar odgovorio da to nema nigdje niti u jednoj instrukciji. Također je postavljeno pitanje da li Uprava policije nakon izvršenih npr. 30 krivičnih djela, od čega su 3 npr. ubistva, odmah konstatuje da je riješeno npr. 15 djela ukoliko se počinioci uhvate na mjestu izvršenja krivičnih djela, i da li se isto konstatuje u tom mjesecu npr. februaru a počinioc/i se za neka djela otkrije/u npr. u augustu, u kom mjesecu se onda konstatuje taj podatak o otkrivanju počinioca krivičnog djela. Policijski komesar je odgovarajući na postavljena pitanja istakao da niti jednom instrukcijom ili bilo kojim aktom od Uprave policije nije zatražena kvalifikacija nekog djela. S obzirom na razne mogućnosti manipulacija on se ne bi bavio sa terminologijom, jer niko ne tjera Upravu policije da na neki način „gura“ procenat otkrivenosti počinjenih djela. Naglasio je da će vjerovatno zbog ovakvog stava imati „problema i napada“ ali on ima snage za to i smatra da stvari treba objektivizirati.

Članovi Nezavisnog odbora su sugerisali policijskom komesaru da bi o naprijed navedenom trebao da obavjesti Skupštinu KS, na što je policijski komesar odgovorio da to ima u planu i da očekuje mnogo otpora oko ovoga jer kada kažete da je stopa kriminaliteta znatno veća od prikazane i da je rješenost znatno manja od prikazane svakako da očekujete mnogo bure oko ovoga i od strane politike i od strane zastupnika. Ali isti je naglasio da je riješen da se istina sazna i da se napokon počene realno prikazivati stanje pa kako bude. Naime, jedino na bazi realnog i tačnog stanja mogu se poduzimati određene mjere i radnje, počevši od edukacije policijskih službenika do konkretnih mjera i strategija. Ovako se ima situaciju da su sve strategije i sve mjere napravljene na temelju stanja koje nije realno prikazano.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



Na istoj sjednici članovi Nezavisnog odbora su se osvrnuli na akt koji je dostavljen Nezavisnom odboru od strane disciplinskog tužioca, a tiče se odbacivanja disciplinske prijave podnesene protiv određenih namještenika koji su se teretili za lakše ili teže povrede službene dužnosti. Od strane Nezavisnog odbora je naglaseno da su određeni policijski službenici i namještenici za protestovanje ispred zgrade Vlade Kantona Sarajevo sankcionisani (bilo da je utvrđeno da se radi o lakšoj ili težoj povredi službene dužnosti) dok je za neke disciplinska prijava odbačena. Također su se članovi Nezavisni odbor ponovno dotakli problematike korištenja službenih vozila u privatne svrhe. Naglasili su da je Nezavisni odbor ranije dobivao određene depeše o zabrani upotrebe vozila u privatne svrhe ali je također raspolagao sa informacijom o raznim zloupotrebama posebno od strane „visokorangiranih“ policijskih službenika. Istakli su da su imali konkretnu primjedbu na policijskog službenika I. N. koji je koristio službeno vozilo u privatne svrhe na području Breze. Ipak to građani plaćaju. Da li i dalje ima takvih zloupotreba?

Policijski komesar je istakao da je nakon provedene unutrašnje istrage, Jedinica za profesionalne standarde sačinila izvještaj da su 33 policijska službenika, od toga 3 glavna inspektora, više mlađih inspektora, te nekoliko samostalnih inspektora počinila teže povrede službene dužnosti. Disciplinska komisija je počela sa radom. Dodatni problem je predstavljala činjenica naći diplomiranog pravnika koji bi pokrenuo disciplinski postupak protiv pomenutih ali i taj problem je riješen. Počelo je saslušavanje. Mišljenja je da cijeli postupak nije urađen kako treba. Istakao je da međuljudski odnosi u MUP-u su totalno narušeni, ima određenih pritisaka na unutrašnju kontrolu da se "previše ne talasa". Osim toga, na „protestu“ ispred zgrade Vlade Kantona Sarajevo je bilo više od 200 policijskih službenika a procesuirano se njih 33. Policijski službenici međusobno komentarišu na način: „onaj je bio na protestima nije procesuiran, onaj je držao transparente i sl.“. Isti se slaže da se trebala poslati poruka da takvo ponašanje policijskih službenika nije u redu ali se isto tako trebaju kazniti i pravi organizatori. Najporaznija je činjenica da glavni organizator nije kažnjen (bivši policijski komesar Halilović). Naglasio je da se isti ne može „tretirati“ od strane Nezavisnog odbora jer on više nije policijski komesar, a ne može ni unutrašnja kontrola jer je on tada bio na poziciji policijskog komesara.

Na navedenoj sjednici, policijskom komesaru postavljeno pitanje u kojoj je fazi realizacija Zakona o nabavljanju, držanju i nošenju oružja i municije u djelu koji se odnosi na praktičnu obuku, jer već duže vrijeme nije ništa urađeno u pogledu ranije podnesenih zahtjeva (skoro godinu dana) za izdavanjem odobrenja za nošenje oružja i municije. Koliko je njemu poznato nije bilo dovoljno adekvatnih institucija koje će vršiti obuku. To bi se trebalo maksimalno ubrzati. Također, isti smatra da i novo rješenje nije najbolje. Da li je u toku izrada podzakonskog akta? Policijski komesar je odgovorio da će podzakonski akt čije je donošenje predviđeno navedenim zakonom veoma brzo biti donesen i da će se istim precizirati pitanje vršenja praktične obuke. Dokument će uskoro biti poslan ministru. Trenutno se čeka mišljenje Ministarstva prostornog uređenja i okoliša jer Uprava policije želi čistu situaciju u svakom pogledu.

Također je istakao da do kraja godine pred njim stoje zadaci koji se odnose na normativne aktivnosti i to: izradu novog Pravilnika, izmjene i dopune Zakona o policijskim službenicima (određene tehničke izmjene), Pravilnik o sistematizaciji, kao i Zakon o plaćama i naknadama u MUP-u KS. Navedeni zakon nije ni došao do Vlade KS. Sindikat je uključen u izradu navedenog zakona, do sada je održano tri sastanka. Naravno, kako je već ranije rekao vezano za Zakon o nabavljanju, držanju i nošenju oružja i municije mora se riješiti pitanje blokade civilnih strelišta kako bi se mogla riješiti praktična obuka i podneseni zahtjevi. Dakle, u pitanju je jedna obimna normativna aktivnost. Sredinom decembra ističu ugovori za starije policajce koji bi sada trebali biti unaprijeđeni u viši čin. Izmjenama Zakona predviđeno je donošenje novog Pravilnika o činovanju i isti bi uskoro trebao biti donesen. Naglasio je da sigurnosna situacija u Kantonu Sarajevo nije loša. Povukao je određene kadrovske poteze i donesena su određena rješenja. U ovom mjesecu je bilo nekoliko sigurnosnih izazova u smislu osiguranja određenih događaja, odnosno tri skupa. Osiguranje je bilo



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



na nivou i sve je prošlo u najboljem redu iako je Uprava policije bila pod određenim pritiskom zbog atmosfere u cijelom društvu. Dolaskom na dužnost isti je zatekao pripremljen tekst Ugovora o nabavci uniformi (dijelova unofrmi – oko 1300 jakni i 300 kompleta), koji je pripremljen nakon provedene procedure Javne nabavke uniformi. Policijski komesar je istakao da navedena uniforma nije u skladu sa Federalnom uredbom i ista ne ispunjava uslove iz Pravilnika o uniformama te da ne namjerava potpisati ugovor sa izabranim ponuđačem KM Trade. Očekuje po ovom pitanju i sudski epilog. Članovi Nezavisnog odbora postavili su pitanje policijskom komesaru da li je u vezi sa naprijed navedenim kontaktirao Pravobranilaštvo Kantona Sarajevo. Policijski komesar je odgovorio da je kontaktirao i o istom obavijestio Pravobranilaštvo Kantona Sarajevo, Kantonalno Tužilaštvo i Agenciju za javne nabavke. Po njemu uniforme nisu u skladu sa Ustavom Federacije BiH i Federalnom uredbom o jedinstvenoj policijskoj uniformi. Iznio je da postoji jedna inicijativa zamjenika FUP-a da se zakaže sastanak gdje će se ići sa zahtjevom za donošenje nove Uredbe o jedinstvenoj policijskoj uniformi. Uprava policije sa njim na čelu uvažava ustavno-pravni poredak. Naglasio je da je bilo pokušaja privatnih pritisaka ali iste na njega nisu imale uticaj. Odluka o navedenoj nabavci je donesena u petom mjesecu tekuće godine i istu je potpisao tadašnji vd policijskog komesara Milorad Bašić. Naglasio je da je Pravobranilaštvo Kantona Sarajevo podržalo njegov stav i izvjesno je da će ići tužbeni zahtjev a vrijednost je oko 640.000,00 KM. Policijski komesar je dodao da rok trajanja uniformi rapidno pada i sada je traj rok dvije godine. Istakao je da on ne bi prejudicirao razloge zašto je tako kratak rok trajanja uniformi. On smatra da kolega Milorad Bašić nije planirao nabavku ovih uniformi. Samo u prošloj godini je nabavljeno 2.000 kompleta a trenutno ima 1.300 policijskih službenika. Smatra da se sve treba vratiti u zakonske okvire. Gospoda koja je došla kod njega u kancelariju da izvrše pritisak kako bi se taj ugovor potpisao dobili su od njega objašnjenje da uniforma koju on trenutno nosi nije udobna niti funkcionalna. On neće učestvovati u nabavci nečega što je nezakonito a pritome ne odgovara niti kvalitetom niti funkcionalnošću. Mišljenja je da bi sljedeće godine bilo realno da se donese nova Federalna uredba o jedinstvenoj policijskoj uniformi. Policijski komesar je istakao da će on objasniti svoj potez jer smatra da je bilo šta drugo uradio (osim odbijanja potpisivanja ugovora) za njega bi predstavljalo krajnje neprimjereno i nezakonito ponašanje. Istakao je da će čim donese odluku obavijestiti sve relevantne institucije. Na upit člana Nezavisnog odbora da li je svjestan da svojim postupanjem može proizvesti znatne materijalne posljedice u vidu materijalne štete za Kanton Sarajevo ukoliko sve dobije sudski epilog policijski komesar je izjavio da je svjestan mogućih posljedica iza kojih je spreman stajati.

Policijski komesar je istakao da je korištenje službenih vozila u privatne svrhe nasljeđe iz prošlih vremena (koje traje otprilike 10-20 godina), te da će ovaj problem staviti pod kontrolu. Naravno da on kao komesar ne može biti kloniran i biti na 15 mjesta u isto vrijeme. Ranije je spominjao inspektora koji će imati zadatak da s vremena na vrijeme samo provjerava primjenu te depeše, a depeša će također biti ponovno dostavljena svim policijskim upravama. Istakao je da također ima situacija kada policijski službenici, zbog posla, ostanu duže i naravno da će im se odobriti korištenje vozila, kao i pojedinim „visokorangiranim“ policijskim službenicima kada zbog datih okolnosti moraju koristiti ta vozila, ali to svakako ne može biti praksa. To bi onda izgubilo svaki smisao. Postoje egzaktni podaci da je jedno vozilo prešlo više od 200.000 km, golf 6, što je zaista za nepovjerovati.

U vezi sa pitanjem postavljanja video nadzora u Kantonu Sarajevo, policijski komesar je odgovorio da je održao sastanak sa Premijerom KS te je određena dinamika realizacije, dok je prošle sedmice održan sastanak u vezi sa budžetom. Realno do sada nije urađeno ništa. Glavni problem je nedostatak stručnjaka u smislu izrade projekta. Premijer je na sastanku istakao da će organizovati sastanak sa Zavodom za izgradnju KS, Federalnom upravom za geodetske i imovinsko-pravne poslove i Ministarstvom saobraćaja, te sa predstavnicima bh telekoma ukoliko bi isti pristali da ustupe dio svoje optike. U svakom slučaju ići će se na najkvalitetnija rješenja. Planirano je da se postavi 420 kamera plus 20 kamera SPARTA koje imaju mogućnost detekcije neregistrovanih vozila. U svakom slučaju na projektu mora raditi multidisciplinarni tim. Da bi se ova ideja sprovela u djelo potrebno je sačiniti projekat kojim bi se apliciralo za kredit prema EBRD-



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



u. Na taj način bi se obezbjedio dio sredstava a mora se raspisati i tender. Glavni problem je personalne naravi unutar MUP-a KS jer Sektor za nadzor pripada MUP-u a ne Upravi policije. Očekuje se da će sljedeće godine veliki dio posla u vezi sa video nadzorom biti obavljen.

Obzirom da je pitanje penzionisanja policijskih službenika nešto na čemu je Nezavisni odbor insistirao u kontinuitetu, policijski komesar je odgovorio da je Vlada KS donijela zaključak da oni policijski službenici koji žele u penziju i ispunjavaju uslove da im se može uplatiti staž u jednostrukom trajanju i isto se odnosi i na uposlenike bivšeg CSB Sarajevo za koje je također moguće uplatiti ratni staž kako bi isti otišli u zasluženu penziju. Naglasio je da ima interesanata za penziju i otprilike je izračunato da je potrebno uplatiti cca 3.900,00 KM po jednom čovjeku kako bi mogli otići u penziju. Otprilike je to broj od 200 ljudi.

Donesena je naredbodavna depeša vezano za migrante prošle sedmice. Oni postaju sve agresivniji, kod sebe često imaju hladno oružje i većinom se nalaze u blizini ugostiteljskih objekata i javnih površina. Naloženo je policijskim upravama barem da dva puta planiraju aktivnosti obilaska naprijed navedenih mjesta i da prilikom provedbe tih aktivnosti zatraže podršku Specijalne jedinice. U svakom slučaju treba preventivno djelovati i poslati poruku građanima da se neće tolerisati ničija najprizemnija ponašanja.

PREDSJEDNIK NEZAVISNOG ODBORA

Kenan Kapo



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1

